

Bø mållag

Årsmelding 2016

Årsmøtet for 2015 var på Pizzafjoset 9. februar 2016. Det var 18 medlemmar med røysterett til stades.

Styret har vore samansett slik:

| | |
|--------------|--|
| Leiar: | Margit Ims (2016) |
| Nestleiar: | Else Børte (2015 og 2016) |
| Kasserar: | Dag Hallvard Østtveit (2015 og 2016) |
| Skrivar: | Dag Tore Vikane (2016 og 2017) |
| Styremedlem: | Hans Christian Deilhaug (2016 og 2017) |
| Vara: | Annette Myhre Hansen (2016) |
| Vara: | Sindre Flø (2016) |

Laget har hatt ni styremøte i 2016. Laget hadde 77 medlemmar, ei auke på fire frå året før.

- **Norsk Barneblad.** Alle 5.-klassingar i Bø får årsabonnement.
- **Heidersmedlemmar.** Kari Tveit, Birger Smestad og Birger Risnes blei utnemnte til heidersmedlemmar i Bø mållag for årelang og framifrå innsats for bømålet og nynorsken.
- **Årsmøtet til Telemark Mållag.** Hans Christian Deilhaug stilte for Bø mållag på årsmøtet til Telemark Mållag i Kviteseid 5. mars.
- **Landsmøtet i Noregs Mållag.** Else Børte og Dag Tore Vikane stilte for Bø mållag på landsmøtet i Bergen 15.–17. april.
- **Politisk arbeid om kommunereform.** Bø mållag har i samarbeid med Nes mållag kome med innspel om språk i den planlagte nye kommunen til forhandlingane mellom Bø og Sauherad kommune.

- **17. mai.** Mållaget hadde representant i 17. mai-komitéen.
- **Utdeling av målblome.** Ingebjørg Bø, journalist i Telemarksavisa, fekk målblome i juni 2016.
- **Skrivekonkurransse.** Bø mållag arrangerte skrivekonkurransse for ungdomsskuleelevar. Vinnarane blei kåra under Bøker i Bø. Godt samarbeid med skulen.
- **Skulemål.** Bø mållag har delt infoskriv om val av skulemål ved skuleinnskriving.
- **Nynorske lettlesbøker.** Bø mållag støtta Folkestad skule med innkjøp av «Leseland», ny serie med lettlesbøker.
- **Salsverksemd.** Bøgradestokken frå 2007 er framleis ei god inntektskjelde for laget. Nytt i år er Bøkoppen som kom for sal då Bø mållag deltok på vårmaknad på Bø torg. Mållaget deltok også på torgdag om hausten. Ivrige ungar har òg selt julehefte.
- **Drøfting om samanslåing med Nes mållag.** Bø og Nes mållag møtttest til felles styremøte der me drøfta språk i ny kommune og mogleg samanslåing av laga. Jens Kihl heldt innleiing på møtet.
- **Patti Smith på nynorsk.** Bø mållag var medarrangør saman med Bø jazzklubb og Bøker i Bø for konsert med Kari Harneshaug som syng Patti Smith på nynorsk.
- **Dialektarbeid.** Bø mållag har hatt møte med Bø kulturnettverk om samarbeid for dialektprosjekt i kommunen. Me ønskjer ei satsing på dette framover.
- **Språkspalte i Bø blad og andre oppslag i media.** Bø mållag har vore synleg i media dette året, mellom anna med fast språkspalte i Bø blad, men òg i ulike saker hos Bø blad, Telemarksavisa og Varden.
- **Nynorske annonsar.** Bø mållag har ståande tilbod om hjelp til næringsdrivande som ønskjer å annonsere på nynorsk.

Styret for Bø mållag, januar 2017

Årsmøtesaker

Opning av årsmøtet.
Godkjenning av saksliste og innkalling.
Val av ordstyrar og skrivar.
Godkjenning av årsmelding for 2016.
Lokallagskontingent for 2018.
Godkjenning av rekneskap for 2016
og budsjett for 2017.
Val etter vedtektene ved valnemnda.
Val av utsendingar til årsmøtet i
Telemark Mållag.
Drøfting av lagsarbeid i 2017.

Lett servering.

Velkomne!



Bø mållag

Innkalling til årsmøte

Tysdag 7. februar 2017
kl. 19.00 på Bø prestegard.



Einaste nynorskjournalist i Telemarksavisa fekk vel fortent målblome!

Foto: Bjørnar Hagen Vika